

امور تحریریه ایچون فؤاد بکه
وامور اداره ایچون آرتین افندییه
مراجعت اولنور.



مسلکمه موافق آثار قبول اولنور.
درج اولمایان اوراق اعاده اولماز.

مجله ادبیات

اداره خانه سی باب عالی جاده سنده
۵۲ نومرولی « شرکت مرتبیه »
مطبعه سیدر.



استانبول ایچون سنه لکی مطبعه دن
آلنق شرطیله ۴۰ طشره لره پوسته
اجرتیله برابر ۶۰ غروشدرد.

نسخه سی ۱ غروش

پنجشنبه کونلری نشر اولنور ادبی، فنی و صناعی غزته در

نسخه سی ۱ غروش

بيك داغ الم وار دل فرقت اثرمده.

بر بغري يانق عاشق نالانم افندم!

تنوير بيور مجلس افكنده كي برشب؛

بك منتظر م ای مه خندانم افندم!

وهي زاده:

م. رمشی

قطعه

عرضه كيتشدم او ياره راز مافی البالی

رحم ایدوب وعدوصال ایتدی کورنجه حالی

یوقلادم برج املده اختر اقبالی

مهر عالمدن ضیالی کورددم استقبالی.

عمر فخری

کتابه سنك مقبر

مادام که جهانده وجود محقرم،

اولدی غدای اژدر بحران وانفعال؛

صارسون دیرم جوارمی بر صعت سرمدی،

اولسون یرم ظلام لیالی بی زوال.

عبدالله هودت

بدایع فنیه وصناعیه

حرارت مرکزیه و تزلزلات ارضیه

حرارت مرکزیه

ژه اولوژی فنی هر نوع حادثات برکانه نك

دوغرودن دوغرویه حرارت مرکزیه

دلالت ایتدیکنی سویله ر. سطح ارضدن

مرکزیه دوغرو حرارتک تدریجاً تزايد

ایتمه سی، محدود و معین بر مسافدن. صوکره

تصادف ایدیله جک کتول وطبقاتک سیال

ناری حالنده بولندیغه حکم ایتدیرمشدر.

یالکز عصر سابقک اواخرینه دوغرو مشا

هیر ارضیوندن «وهرنر» حرارت مرکزیه

نظریه سنه قارشى بعض مطالعات متناقضده

بولنش ايسه ده، طلبه سندن لئوبولد دوپوخ

و علیکناسندر دو هو مبولد کبی فنلرنده تفرد

ایدن کیمسلر معلملرینک افکارینه رغماً حرارت

مرکزیه فرضیاتی تأیید ایتمشلردی.

سطحن مرکزیه دوغرو حرارتک تزايدی

هر یرده مساوی دکلدرد. ارضیون برحدوسطی

اولقی اوزره هر اوتوز اوج متروده حرارتک

بردرجه تزايد ایتدیکنی قبول ایدرلر. مع مافی

بو حال اراضینک صورت تشکله، صخورک

معروض بولندیفی شرائط طبیعییه وطبقات

داخلیه نك حرارتی نقل وانتشار ایتدیرمک

ایچون قابلیت مخصوصه سنه کوره ارضک

هر نقطه سنه تخلف ایدر.

عصر اخیرک صوکر زمانلرینه دوغرو

ارضیوندن «هوراس دو صوسور» آلپ

داغلرنده کی جمودیه لرك، مواسم اربعه ده؛

سطوح جبال ایله اتحاد ایتدکاری نقطه دن

تدریجاً ایدیکلرینی کورمش و بونک اسبابی

شمسک تأثیرندن زیاده حرارت مرکزیه

عطف ایدره ک بعض درین محللرده اجرا

ایتدیکنی تجاربندن حرارتک مرکز ارضه

دوغرو صورت تزايدی حقنده عمومی بر

قانون وضع ایله مک ایسته مش ایدی. هو.

راس بوتجاربندن، حرارتک هر اوتوز یدی

متروده بر درجه تزايد ایتدیکنی استدلال

ایله مشدر. بوندن صوکره «قوردیه» نك حرا

رت مرکزیه حقنده اجرا ایتدیکنی تجاربندن

استدلالاً وضع ایتدیکنی درت قانون واردرکه

شایان تذکاردرد:

۱. — تجارب واقع ارضک قسم

مرکزیسنده بر حرارتک وجودینی اثبات

ایدرد؛ اعماق ارضه دوغرو سریعاً تزايد

ایدن بو حرارتک انشعاع شمس ایله برمناسبتی

یوقدر.

۲. — حرارت مرکزیه نك تزايدی

ارضک هر نقطه سنه عینی قانونه تابع دکلدرد.

۳. — حرارت مرکزیه نك بعض

اسباب طبیعی دن دولایی ارضک هر نقطه سنه

متخالفاً تزايد ایتمه سیله عرض و طول درجه

لرینک تبدیلی آراسنده بر موافقت یوقدر.

۴. — حرارتک تزايدی ظن ایدیلن

مقداردن زیاده در. علی العاده هر اون بش

متروده حرارت بر درجه تزايد ایتدیکنی کبی

بعضاً اون اوج متروده بیله حرارتک اوقدر

متزايد اولدینی کورلمشدر. شمیدیکی حالده بر

حساب وسطی اوله رق حرارتک هر یکرمی

بش متروده بر درجه تزايد ایتدیکنی قبول

ایدیله بیلیر.

مرکز ارضده بر حرارتک وجودینه

دلالت ایدن آثار معدن قویولریله میاه حاره

و وولقانلرک اندفاعاتیه فعالیت برکانه یه تعلق

ایله یں بعض حادثاتدر.

ارزکه بیرک نك تقریباً فرق کیلومتره مساحه

سطحیه یه مالک بر اراضی داخلنده بولنان یکرمی

قدر معدن قویولرینه بر چوق ترمومترولر

وضع ایدیلره ک بونلرک تحت الارض مختلف

زمانلرده و مختلف عمقلرده کوستردیکی

مقدارلر ضبط اولنش و برکونک، بر آیک،

نهایت بر سنه نك حرارت وسطیه سی بوسایده

آکلاشلش ایدی. ۱۸۲۱ سنه سندن ۱۸۳۱

تاریخنه قدر یکرمیدن اوچوز الی مترو

عمقه قدر درت یوز دفعه یه قریب اجرا

ایدیلن. مشاهداتدن حرارتک هر قرق ایکی

متروده بر درجه آرتدینی کورولمشدر. انکلتره

ده، سیبرییا معدنلرنده و آوروپانک مختلف

نقطه لرنده بویولده بر چوق تجربه لر یاییش

ایدی. بوسایده حرارتک کور معدنلرنده

معادن سائر اخراجاتنه مخصوص اوجاقلردن